

天順

皇華集  
二



皇華集卷之三編目

天順元年丁丑頒復位詔使二

天賦元平丁丑餘  
皇華集卷之三  
餘目

皇華集卷之三

舟近楊花渡被洪禮曹大觥逼酒立成一律并

絕句請教

高閨

五湖豪氣千陂量一飲何妨百數杯分付主人休笑  
我醒時遊去醉時回

其二

波濤泛泛巨鼇浮雨濕苔痕翠欲流滿眼鶯花方六  
月一天風雨在孤舟鯨飲只嫌江海小龍吟能使鬼  
神愁明朝相別歸朝去日夕停雲海角頭

次韻

仁順府尹金守溫

澄江萬丈琉璃頃美酒十千琥珀杯好雨天教畱  
好客更看明月醉扶回  
鑿刀細切銀絲膾美酒頻添白玉杯微雨好風吹  
小艇歡如不極不須回  
十里西湖畫舸浮使華行樂儘風流晴川芳草黃  
樓句桂棹蘭橈赤壁舟詩酒可供賓主意笙歌解  
破古今愁江山如此人如玉此會吾應說白頭  
山光水色共浮浮萬頃澄波碧玉流杜子秦淮題  
繡句蘇仙赤壁泛蘭舟檣帆鷗鳥來相近笙管蚪  
龍聽亦愁從此西湖畱勝跡燕山北望幾回頭

洪允成

喜公杖節來千里愧我登筵屬一杯  
急雨遠遮山氣黑好風時起水紋回

芳塵一揖喜先浮才調人間出等流  
玉節遠經遼野月蘭橈來泛漢江舟  
樓臺到處詩饒興風雨多時酒洗愁  
醉後放歌天地小歸來白月上雲頭

盧叔全

勝日湖邊搖畫艇佳賓座上侑金杯  
江山奇絕千年地到此風流得幾回

湖氣空濛積翠浮長風送纜下中流  
青山夾岸先

邀客白雨催詩已滿舟畫棟新添南浦興晴川惹  
起漢陽愁登高作賦真堪詫更上楊花最上頭

怒雨

高閨

外國賢臣天上客楊花渡口同吟謔深杯儘醉莫言  
歸我遣長戈殪風伯

次韻

金守溫

煌煌使節鳳池客雨席風筵善戲謔繁絃急管莫  
言歸一斗百篇是詞伯

醉中忽思鄭宰相

高閨

紛紛細雨苦畱客廣文不見無顏色曾傳斗酒詩百

篇我是天仙未曾謫

陳鑑

我本蓬萊一癡客偶向江頭醉春色衆以清狂奏玉  
皇帝憐小技寧容謫

次韻

金守溫

乘槎天上斗牛客欲向成都住顏色金閨通籍賦  
清平不必李白仙府謫

夜來承高作已酣睡矣今日薄晚弄筆札始得  
之乃捉筆依韻賡之未知可以當雅意否呈金

宰相

陳鑑

纔登高閣倚闌干又上蘭橈送急湍清興已陪多士  
飲曠懷寧作腐儒寒早誇東土民風美更到西湖眼  
界寬天亦有情憐遠客不因微雨阻遐觀

間字非寒韻故變和

原韻

金守溫

扁舟選勝並江干使節來遊杳靄間酒送百壺能  
蕩槩天教一雨解生寒謫仙風月三千富魏國山  
河表裏寬欲識子長疏宕氣也從東海說奇觀

酒散承金宰相和詩一首已上馬無筆茲便草  
去博笑云今日酒中狂吟八九首可笑寄一時

趣耳

高閏

眼看滄海一杯浮倒瀉詞源似峽流爛醉祇疑人作  
玉清遊更喜綵爲舟天涯風雨催詩興江上煙波動  
客愁高詠陽春皆莫和不堪回首重搔頭

其二

身在煙波勢若浮又兼簫鼓起中流飄飄道是登仙  
客泛泛疑乘載月舟詩到興來難罷詠人於樂極易  
生愁海天風雨賓朋散油紙還將戴黑頭

次韻

金守溫

西湖美景澹煙浮山色蒼蒼水碧流天上使華輝  
玉節人間勝槩泛蘭舟百篇往復才難敵千古留

連酒蕩愁天意正教詩律急片雲含雨已臨頭

南浦潮生水氣浮勝遊今復駐高流金章竝曜三  
江口錦纜徐牽萬斛舟酒罷浩歌人自樂雨晴歸  
旆暮雲愁帝鄉此去逾千里始覺朝鮮到海頭  
太常風采照金鈎如我疎慵正末流塵柄尚容夷  
甫舌龍門何謝剡溪舟已從旅館投新款預恐離  
筵有別愁鶴野月明煙樹合不妨相憶重回頭

詩來足見雅意依韻答之

陳鑑

湖光蕩漾與雲浮汎汎沙鷗逐水流良會如君皆國  
器好風吹我上仙舟詩逢美景終難吝酒入離懷亦

破愁誰向文章誇獨步我從東野亦低頭

登漢江樓

高 閏

詩句清新墨跡畱登臨人已去悠悠樓中勝景非如  
昨檻外長江空自流 丹詔臨時曾止鳳畫船過處  
每驚鷗凭欄極目懷千古風送白雲來樹頭

其二

夏日登樓過雨涼頻頻促席緩行觴不慙奉使才偏  
短惟喜斯文會有光數鳥啼來山寂寂片帆飛去水  
茫茫題詩莫盡凭欄興回首天涯已夕陽

日昨重承遊覽嘉賓良會世不常有率成近律

三首聊紀一時之勝不暇計詩之工拙也錄似  
同遊諸君子尚希和教焉

陳鑑

危樓百尺俯通津  
點點青山面面真  
花榭飛香來舞蝶  
漁舟舉網出鮮鱗  
眼前有景誰先得  
囊裏探詩我最貧  
今日風光非昨日  
暫時相賞莫辭頻

右登漢江樓

漢江煙淡碧於藍  
畫舫清遊趣正湛  
美景良辰畱海外  
佳山秀水逼江南  
鷗飛渡口潮初長  
詩入毫端酒半酣  
撐向窮崖深樹底  
滿空嵐翠落毵毵

右遊漢江

楊花古渡最清幽，特出奇峰枕碧流。  
酒醉都拋身外事，雨聲難洗客邊愁。  
煙和綠樹迷荒野，風送雲帆落遠洲。  
別後豈能忘勝集，夢魂常繞海東頭。

右遊楊花渡

次韻

朴元亨

萬里長江接漢津，奇觀滿眼寫難真。  
雨餘山色明如畫，風起波紋細感鱗。  
伯玉文章唯子在，謫仙才思奈吾貧。  
相逢四海皆青眼，莫厭深杯到手頻。  
澄澄湖水漾青藍，泛泛蘭舟思更湛。  
波底魚龍爭出沒，洲邊鷗鳥任東南。  
興來不覺詩情逸，醉去惟

知筆意酣薄暮欲歸微雨濕蔥龍嵐翠弄氤氳  
層巒矗矗白雲幽醉客乘舟泛下流急雨催詩如  
有意薰風解愠欲銷愁凌晨忽過衡陽浦落日重  
尋杜若洲預恐明朝離別恨燕山迥隔漢江頭

盧叔全

峽岼高樓壓古津使華風韻見天真已從滕閣吟  
孤鶩更向松江得細鱗山水可供嘉客興杯盤長  
愧主人貧放船落日傳觴急剩判樽前醉倒頻  
畫船簫鼓水如藍座上天人樂且湛絕壁緣江連  
漢北輕陰拂席近終南仲宣作賦登樓興太白題

詩倚酒酣要識溪山畱客意晚風吹雨白粼粼  
須信楊花特地幽皇華伯仲見風流金牋綵筆詩  
添興雪膾瓊漿酒破愁草樹遙連黃犢岸煙波長  
送白鷗洲西湖此會真堪畫妙手終煩顧虎頭

奉次日昨和韻之作

陳鑑

詩無巧思難成句酒爲忘懷不計杯却笑詞林老狂  
客雨中深醉馬馳回

其二

天光入水共沉浮天自青青水自流千載風流傳勝  
集一時文彥喜同舟詩懷謾瀉三湘水酒陣衝閑萬

斛愁遙望 帝鄉何處是黃金宮闕五雲頭

再用韻奉答雅意一首蓋以道雅好之情耳

最喜清才立要津鴨江初見便情真高岡自昔來鳴鳳  
滄海于今有縱鱗身外微名何足貴胸中素蘊不憂貧  
吾儒契好無夷夏莫怪當筵笑語頻

次韻

盧叔全

吾生何幸識平津下榻叨承笑語真蠅翼終然能  
附尾龍門自愧得攀鱗西京文健堪誇富東野詩  
寒只足貧敢擬投章如縞帶兼金多謝往來頻  
鄙詩投贈薄寓下懷深媿淺膚端祈和教

陳鑑

海外曾傳申泛翁清材雅量許誰同  
晉書風格超神品漢代文章入化工  
未識英標心已慕遂成佳會喜無窮  
賢王自昔資良弼東土須收第一功

次韻

申叔舟

間世文章繼醉翁脩姱還與古人同  
德尊山斗宜推重學究天人契妙工  
試挹清芬方自幸從知豪氣竟難窮  
公歸佇見東漸化黼黻文章早建功  
清聯格力駕涪翁典雅英華莫與同  
細討精微添氣槩冥搜玄妙奪神工  
斗南擅步推名重海上持

螺愧技窮盛德不遺孤陋者誠知造化有奇功

贈半窻雨意廷振筆畫竹金宰相 高 閏

昨承佳章絕妙遂用韻答去在人不在竹也  
兔毫新染墨花浮寫出湘魂濕欲流何處深秋彈古  
瑟不勝清怨到孤舟影兼明月階前碎色帶春雲嶺  
半愁行盡東陞高節少一枝今見海邊頭

謝高太常饋畫竹

金守溫

天地何依物亦浮誰從真假討源流似聞根在湘  
江岸忽見枝分使者舟人去枕邊猶有色春歸宇  
內不知愁紛紛今古稱三絕盡向公門避地頭

忽承陳翰院高太常珍貺以詩爲謝

飄飄天地此身浮何幸如今接勝流  
驢迹又慚如踏磨龍門雖峻尚登舟  
一檐綵額光含潤半壁蒼林色帶愁  
珍重在人寧在物時時展玩感心頭

曉來觀佳製蒼然令人愛和遂成一首錄乞笑

正

高 閏

贊佐名藩事業成文書長把石爲程  
分明星宿胸中列彷彿龍蛇筆底橫  
海角天涯方識面暮雲春樹已關情  
山河一統 皇明盛誰許東西別有町

原韻

鄭麟趾

奉承 綸命俯東溟準擬扶搖萬里程珠逐詩成  
因物轉蛟從筆落滿牋橫一言相接知和樂半日  
同歡得性情要識此心無彼此莫論夷夏有畦町  
再用韻奉答朴判書

陳鑑

荊州初識鴨江津青眼相看意獨真囊裏佳章流彩  
筆匣中神劒露蒼鱗鏤花金帶非常貴挿架牙籤未  
足貧別後高情自難忘好音毋惜鴈鴻頻

題文遲翎毛簇端贈盧叅判

誰揮健筆寫寒臯獨立枝頭刷羽毛不日定噉魚袋  
至主人門地愈崇高

題畫梅與朴判書

高 閏

春宵飛夢到羅浮  
玉骨冰肌雪滿頭  
何處一聲羌笛起  
不勝離恨倚東樓

一日登樓見李員外舊題以白頭爲恨似溺於  
物因寫數句以自勉如操新冶於夏圭商敦之  
側徒望其蒼然也甚愧甚愧

凌晨獨上朝鮮樓  
樓前景物何悠悠  
手招黃鶴久不  
至層簷疊閣風颼颼  
謫仙人在何處却把新詩題上  
頭看花無奈惜花早未曾讀罷先令愁  
岳陽歷歷晴川樹  
何如此樓堪畫圖  
檻外羣山青不了  
白雲滿棟

蒼松孤宮殿相輝聳金碧就中乃是神仙居太陽臨  
照朱門啓錦衣烏帽紛相趨誰家小婦濃粧罷雲鬟  
鴉髻黃金梳血色羅裙帶蘭麝珠簾半捲垂流蘇六  
街三市多遊俠競把青絲提玉壺繁絃急管鬧終日  
千金散盡不求盧回頭却羨漢江水滔滔直與滄溟  
通昨日曾乘綵舟去輕帆穩掛煙波中銀絲細切楊  
花鱠綠柳遙聞喜雨鶯歡遊未竟淋雨至歸到樓中  
天已晴君不見子陵本是滄洲客何曾釣得吞舟鯨  
天子呼來不肯去夜眠上動天邊星清風高節壓倒  
豪華者至今信史傳其名危闌徙倚欲長笑笑來祇

恐天人驚中山毫絳州墨風雲快助楮先生試將一  
掃萬古盡仲宣鬱鬱奚足稱眼中但覺天地闊一雙  
鵬鷖秋來橫明朝跨馬歸朝去此處風光屬俊英

登大平館樓有作

陳鑑

華館層樓結構深三千里外此登臨笑談猶有凭闌  
興感慨其如戀闕心風捲松濤來萬壑天開圖畫發  
孤吟白雲滿地飛黃鶴人在瑤臺坐綠陰

奉和脩撰陳先生韻

高閏

啣書來自九重深百尺危樓試共臨俯瞰青雲生足  
底仰觀紅日照天心山遮翠檻無塵到松護朱程有

鶴吟最是杯餘賓客散一羣嬌鳥下花陰

贈盧叅判

公館相親十日餘溫然和美又謙虛從今歸去登黃閣遙望天邊鴈足書

國王臨別特書感皇恩莫相忘六字見遺片  
言之間而君臣之義友愛之情藹然可見因賦  
二絕以答盛意

陳鑑

國王知感聖恩深玉帛梯航匪自今常願東藩爲  
屏翰賢哉忠孝一生心

其二

歸途纔到慕華樓尊酒華筵再四畱此日  
賢王臨別意江山千古思悠悠

臨別 國王把酒間恐譯者代言欠詳親寫感  
皇恩三字以申臣子仰戴之誠復寫莫相忘三  
字囑僕等因口占一律以答深情伏乞電覽

高 閏

慕華館內綺羅筵世子陪臣擁後先分別畱題慚我  
拙殷勤送客感 王賢回瞻光彩渾如鳳此去從容  
儼似仙十日高情如半載相思長在五雲邊

捉筆寫別列位宰相

諸公衮衮似神仙送我乘槎上九天別後相思是何處江東渭北暮雲連

碧蹄驛和鄭宰相餞詩

陳鑑

歸思匆匆縱馬蹄暫畱華館午雲低諸公敬客能無倦藩國尊王孰與齊其奈此心懸闕下更須幾日到遼西皇恩自是深如海特遣詞臣慰遠黎

原韻

鄭麟趾

使節搖搖駐碧蹄晴雲濃暖遠還低州官競集勤奔走候騎先馳救整齊重疊開筵誠欲表兩三行酒日將西自是我王蒙帝睠謹修侯度保羣

黎

捉筆奉和送行佳章仰答高情耳詩不足道

高 閏

巍巍同德不須言我在清階最被恩曾捧宗彝隨入  
廟也如仙鶴寵臨軒老成獨讓才華贍少小難誇事  
業尊酒盡一杯分別去不堪回首望名藩

原韻

鄭麟趾

如綸如綺是 王言海外臣民荷 聖恩衮衮青  
山呈喜色關關黃鳥慰行軒旁通才藝文章妙內  
蘊中和德性尊事大至誠須會得輸忠永世作東

藩

和鄭宰相

陳鑑

使節將歸拜九重  
清晨倚馬候鳴鍾  
已瞻芹泮三千士  
更歷雲山一路松  
旋辦錦囊收錦繡  
還從黃閣飲黃封  
多君老去才逾健  
海外荊州可再逢

其二

星輶東度足清遊  
直到三韓欲盡頭  
文士有才多卓犖  
好山無處不深幽  
清尊惜別當隆暑  
丹禁趨朝及素秋  
深喜賢王尊主意  
皂囊親爲達宸旒

原韻

鄭麟趾

外國騰歡睿澤重南薰解慍應林鍾清晨謁廟看  
庭檜永日登樓對檻松風月幾篇裝越橐江山萬  
里歷箕封錢唐學士曾遊此說與相思夢裏逢  
須信前賢賦遠遊况今噉命到鼇頭東瀛亘古無  
潮汐方丈羣仙或顯幽文物遺風周禮樂尊王  
大義魯春秋藩邦永作金湯固願悉丹衷奏冕旒

病酒無聊適承投以珠玉不可虛辱遂索禿兔  
寫答求教所謂三拙也呵呵

高 閏

丹詔還噉入 帝州紛紛冠盖餞遐陬千金寶劒隨

身去徑寸驪珠滿把收山帶白雲看隱隱水兼明月  
往悠悠一尊酒盡鳴騶動惆悵行人不可畱

其二

薰風下馬海東壖水味山穀滿華筵三疊離歌今欲  
別九重頒詔舊曾宣依依遠樹蒼煙外點點歸鴉  
落照前莫道相逢恨相別廣文名已識當年

原韻

鄭麟趾

聖明天子御神州閃燁星軺降海陬旅館清閒多  
自適江樓興趣浩難收金蛙故迹山河在華鶴傳  
言歲月悠眼界此行知更闊莫催旌旆少淹畱

玉節煌煌照海壖清標皎皎動華筵諮詢不鄙芻  
蕘問揖讓仍將禮義宣綠水青山吟詠裏清風皓  
月笑談前殷勤報道向西拜倍祝吾皇享萬年  
承國王遣鄭宰相携酒來又遣韓承旨贈弓  
劒併作畱別一詩乞正  
高閏

老年清氣逼孤梅王命携殽送我來未別已知愁  
意鬱臨杯且把笑顏開新弓力硬懸明月雄劒光寒  
拂上台收拾行囊皆自佩平蠻試聽斬渠魁

謝贈劒短歌乞鄭宰相教示

龍泉新漬鷗鷁血虛鐔秋濤翻白雪氣凌牛斗人間

稀乃是名藩鍊成鐵殷勤贈我去朝天揔有千金不  
直錢卽欲携之獻 丹陛胡兒斬盡無腥膻

拙作一首奉別諸宰相

陳鑑

曉餞紅亭出漢陽碧蹄又見綺筵張海鮮自信多殊  
品魚疾其如不敢嘗遠奉一尊勞輔弼相歡十日便  
參商明朝回首青山外北樹南雲思渺茫

次韻

鄭麟趾

道學真源繼紫陽還將草聖逼鍾張異邦專對誰  
能並翰苑長才見未嘗祖席薰風吹畏日歸期秋  
律叶清商揮鞭直向瀛州去弱水三千隔杳茫

題山水簇端贈朴宰相

陳鑑

吾友欽天太博馬敬瞻素妙丹青雖朝之貴  
顯欲求之有不可得者予來朝鮮連數幅見  
驢而戶曹判書朴君之衢來往相陪情好愈  
篤故題此幅以贈之聊以識不忘耳

高山流水小溪橋來往相陪不憚勞峰頂老僧投梵  
刹林間好鳥度仙璫賡酬每愛詩篇逸笑語常驚意  
氣豪聊假畫圖傳別意醉看還解憶吾曹

見途中松樹甚奇戲煩朴宰相爲我移去樂然  
不辭余惜其蒼翠天然不忍加以剪伐詩以勸

止

高閏

一路長松百樣奇  
龍鱗鶴膝與虬枝  
主人許我移將去  
猶恐移時動兔絲

其二

千林萬壑孕靈奇  
箇箇喬松翠滿枝  
日午最憐騎馬過  
清陰著地細如絲

登平壤浮碧樓

陳鑑

此樓新改創無重屋  
但一亭耳土人亦多呼  
爲浮碧亭故前詩及之  
亦兩存耳

蘭橈飛槳下滄溟  
岡上來尋浮碧亭  
水底山光畱住

綠巖前樹色送來青離懷對景詩難就涼思吹人酒  
易醒片餉登臨千古恨漫題歲月記曾經

其二

薰風徙倚夕陽樓水浸嵐光帶翠流草木都含天地  
澤江山不盡古今愁心懸上國勞清夢身在他鄉  
說壯遊回首明朝便陳迹雲輶毋惜重淹留

余與翰林陳先生自王京頒詔而歸每與宴  
飲未嘗有今日登樓之醉也蓋因山川之勝風  
物之幽題詠之古况朴戶曹盧叅判金觀察韓  
承旨皆以其王命來送喜之不勝聊賦此二

詩以紀一時之樂且以見性情之正否如何也

高閨

九天飛下一凭闌水色山光映笑顏坐久只嫌啼鳥  
緩興窮猶戀白雲閒風吹僧磬來幽檻潮送漁舟過  
別灣爭道人如呂仙子醉乘黃鶴朗吟還

其二

滿地煙霞僧寺數聲雞犬人家彷彿桃源路近流水  
浮來落花

登安州百祥樓

陳鑑

一帶清川寫碧空白鷗飛去落霞紅鳥來綺席花枝

上人在瓊樓翠靄中牧笛漫吹牛背月漁舟輕颺釣  
絲風醉歸不記登高處足下雲梯是幾重

偶有雀飛  
集席間花

上故領  
聯及之

酒半朴宰相索要登樓學得長吉一首捉筆草

草

高 閏

蜃氣朝橫吹不消玲瓏結得層層高扶桑火起地欲  
裂蒼苔堆滿黃金鰲輕煙一點數千里遠樹依依綠  
於薺拍碎闌干煮鳳凰須臾吸盡長江水

畱別金樞使

陳 鑑

百祥樓上綺筵開勸酒親煩宰相來滿耳名聲君有

道驚人詩句我無才離情都繞雲邊樹別思頻傾席  
上杯歧路東西各分手夜看明月共徘徊

酒後賦一絕送金宰相并寄申公四句併希笑

正云

遠承 王命到安州一席高張百味羞最喜香名滿  
湖海臨歧莫怪更回頭

其二

朝鮮宰相申屠蟠日出文章湧似瀾師襄已去伯牙  
歿我有瑤琴何處彈

悼孝女四月事備於詞聊用錄去 高 閏

金刀新發雪爲鉅血汚春纖自煮湯曾使幾年親病  
起不知何日女身亡孤墳有紙飛蝴蝶香魄無媒嫁  
玉郎天道茫茫何處問臨風駐節重悲傷

千里之程積月之久往還迎送爲勞何如謾成  
七言古詩一首五言排律二十韻効回文體二  
絕以致惓惓畱別之意朴戶曹相公閣下

陳鑑

平生欲拜孟東野眼前汎汎何爲者平生欲識韓荆  
州星槎忽見東海頭青雲爲衣玉光潔錦綉心胸仙  
骨格鳳山秀拔鴨江清幻出奇才爲世英一朝歧路

嗟分手勸客連呼掃愁帚何妨一舉累十觴人生離  
合苦不常後夜共看明月光只恐相思能斷腸

右古詩

奉詔臨藩國迎賓屬俊賢鴨江初接識鶴野漫畱  
連傾蓋渾如舊論交似有緣同行時款洽無日不周  
旋鄉土音雖異朝昏意獨專馬頭纔駐節駟舍屢開  
筵直解知心曲非徒慰客邊英英文彩妙楚楚錦袍  
鮮重爵司徒長長才士論先能承王意厚深荷  
聖恩偏去路資扶掖歸途賴保全追陪窮日晷遊覽  
遍山川商確多高論賡酬足好聯味言如啖蔗慕義  
欲流涎君德雖堪戀王程不可延人從東徼別名

向上京傳且盡沙頭酒來登渡口船相違在今日重  
會說當年此後渾難卜人生豈偶然行行當自勉悵  
惘各風煙

右排律

雲山一路遠驅馳送我煩君感別離文學素成吟句  
好分衿遽恐不裁詩

陰壑午風涼瑟瑟綠江煙水去茫茫心知別我憐長  
路夜靜思君隔遠鄉

右二首  
回文

余初至朝鮮每念皇明舊制恐久視常疾言  
遽色或有忤者君皆修復所以全名藩之美掩  
不肖之失盖有力焉况沿途往復公事紛出文

雅益敦題詠之間自令人駭非周於才德者能  
之乎因賦畱別不覺其多重其人也豈嘲風哂  
月者比哉朴君正之其勿吝  
高閏

賢關養就棟樑材藩邸親教遠送來萬里天邊逢識  
者三韓國裏見高才文章典麗機橫錦詩句清新雪  
映梅聲價洋洋流百郡功名藉藉擬三台宜將駿逸  
追騏驥誤把芳馨伴草萊綠水青山遊跡遍華筵美  
酒賞懷開危樓觸處長同眺畫舫閒浮每自陪已見  
交情無比好摠緣太虛不相猜江頭我與分襟去驛  
路人看復命回一陣黃鸝鳴翠柳兩行紅粉舞瑤

臺青春能得幾時在白髮須知老易催向日丹心期  
黽勉相思明月謾徘徊待君修職來朝貢上苑看花  
醉玉杯

有勞遠送謝之以詩韓承旨閣下 陳鑑

君承 王命來江上華宴頻煩具酒樽最喜高懷憐  
遠客幾陪清論到斜曛人從畫舫三杯別雲逐青山  
兩岸分醉後題詩重回首不禁長路惜離羣

承寄羣玉贈行固諸君之美意而 國王之誠  
心亦於是見當珍藏之但以拙作殽於皇華集  
中皆草率不曾點檢如鄭人以鼠爲璞徒有累

於名藩之巨目幸爲我刪去之小詩奉謝均乞  
笑正是歲七月二日鴨綠江上雨後酒闌也權  
宰相列位足下

高閨

新詩昨寄來手把臨風讀老鶴棲孤松嬌鶯轉幽谷  
紅蓮水上開嫠婦閨中哭莫謂行囊空逢人銜珠玉  
詠瓶中蓮花一首錄求和教

陳鑑

數朶蓮花出水紅折來和露挿瓶中當筵莫怪頻頻  
看一點虛心臭味同

韓承旨君送別見少年才美因賦荷花比之率  
成莫笑

高閨

此花渾似少年人綠葉紅顏氣艷新自保心胸存潔  
白直教根柢吐絲綸移來席上香尤近愛向樽前意  
更真物性也知明日別臨風相倚重逡巡

登廣遠樓記

天順元年歲在丁丑仲夏奉命至朝鮮其國王  
遵我太祖高皇帝舊章遣戶曹判書朴君元亨充  
遠接使來迎行次黃州有司以禮設宴于傳舍酒既  
同使翰林脩撰陳公緝熙笑指其左有樓扁曰廣遠  
是日夕陽西下悵快以休厥明整襟匡坐適判書入  
謁遂拉俱登樓凡三間畫棟飛甍重簷閣道左右置

梯偃步扶闌如干級方上閣上皆敷純席瑩然無塵  
若常常有客登者樓之東北阻山地盡西南赤墳平  
衍立萬馬不見其有松蘿帶嵐而鬱乎其蒼禾麻得  
雨而勃然以興此樓之廣也若夫通道 天朝廷袤

萬里修職貢以行慶賀動經歲月方得歸寧歛歛瞻  
望鴈盡雲深此其遠也雖然人知樓之廣遠而不知  
其在理而不在跡也盖物莫過乎有量非量則不足  
以容受詎能廣乎量又貴乎能執非執則不足以持  
久詎可遠乎故登樓而有所得必會萬理於一心使  
四海八荒皆入我闥發爲文章建諸事業垂千百世

而不磨幾幾乎不與近小等已余方執筆未下覺北  
山蒼翠獨出有傑然高舉之勢羣峰拱後若思慕而  
不可及者絕類乎吾人惜余闇劣未能大得於茲而  
去他日同志之士有相尾而來登者尚當因今感昔  
覩物興懷不徒玩其迹而務求其理則所謂廣且遠  
者又非斯樓所能專也於是乎書天順元年五月廿  
有六日賜進士出身文林郎太常博士山陰高閏撰

宣聖廟謁罷宴集詩叙

惟我 皇上聖神文武受天明命克謹初服乃 詔  
天下臣民咸與惟新之治以朝鮮國衣冠文物世篤

忠誠簡命翰林脩撰臣鑑太常博士臣閏奉使來茲  
既頒 詔越三日丁酉余偕脩撰陳先生齊戒沐浴  
謁先師孔子于成均退坐講堂司成金永鳴鼓揖諸  
生於階下 王遣議政府右贊成申叔舟携殽酒來  
款觴數行又遣承旨曹錫門餽脩脯請勵諸生遂不  
復卻爲命題課諸生獎賚有差盡醉而散是日雲開  
日朗風景勝常脩撰先賦二律在席者七人皆和摠  
如千篇爛若編貝惟拙作不可與諸君均茵憑汗然  
自媿嗟夫孔子之道如天之無不覆如地之無不載  
自華夏以及蠻貊莫不尊信其道則自三綱五常之

大以至一物一事之微無所不該用之修身用之齊  
家用之治國用之平天下上而堯舜禹湯文武之聖  
非此無以明下而周程張朱之賢非此無以發然其  
教有倫其進有漸不可徒驚高遠而忽乎近小亦不  
可安於近小而不志於遠大也是必有大有爲之君  
作興於上然後學者知慕於下欽惟我太祖高皇  
帝再造區宇治本於道王祀孔子於國都以及郡縣  
學校聖子神孫嗣大歷服皆臨視大學以明天子  
之亦有師所以能甄陶斯世鼓舞人才破觚爲圜斲  
珣爲楫以繼唐虞三代之盛而非百王所彷彿雖漢

之文景唐之太宗知尊孔子而無躬行之實此其止  
於小康而士大夫抱無涯之嘆也況其他乎朝鮮國  
其先王恪盡忠心蒙太祖高皇帝冊封胙土分  
茅以委東藩之重其他制度雖未必盡合於中華觀  
其建學立師開科取士皆詩書六藝之文而無怪誕  
不經之說固民彝物則之不可泯滅非其國王資  
稟過人知尊孔子勞來匡直充廣潤色則衣冠文物  
未能如此而益彰故能保忠誠之舊業流聲實於  
天朝丹書累錫厚賚特加而爲諸藩之最也歟余何  
人獲目覩其美爲師子弟者尚當體其教育之意慎

厥身修使父子親君臣義夫婦別長幼叙朋友信自  
暗室屋漏之中無愧於青天白日之下以弘治道以  
應斯民則無拂乎進修之序功業以成爵祿自至而  
孔子之道亦幾幾矣尚勉之母徒事於浮文 大明  
天順元年歲次丁丑夏六月上浣賜進士出身文林  
郎太常寺博士欽差副使山陰高閏書

跋權近應制詩

日星雲霞天之文而景星慶雲則其文之至者也草  
木禽獸地之文而靈芝麟鳳則其文之至者也經綸  
黼黻孰非人之文也而文之至者其惟 聖人之製

之至也觀其一帙之中如天之尊如地之卑涵育生  
全之意溢於言外而先生之博學宏詞因以呈露宜  
乎壽之於梓俾有土者子子孫孫知所自也噫天  
章雲翰與黃鍾大呂此朝鮮所藏而中華所未見請  
貯行囊則浮於騫所得多矣然珠玉之在匣光彩輪  
囷恐望氣者奪賴鬼神呵護庶幾持歸以爲世用復  
題其末以勉先生之後昆云時天順丁丑夏六月上  
浣賜進士出身文林郎太常博士奉命副使山陰  
高閏居正書

皇華集卷之四編目

天順三年己卯頒 勅諭使

刑科給事中陳嘉猷

遠接使刑曹判書朴元亨



序

天順三年己卯春給事中陳先生奉使而來也  
道途所經江山樓閣之勝風土民俗之異凡寓乎  
目而感於心者靡不發之於詩及其已事而還也  
殿下感皇上誨諭之勤悅使華文雅之美命  
儒臣纂次其詩圖永其傳蓋欲因其詩以思其人  
思其人以毋忘皇上綏遠之大德也於是命  
臣序之臣竊惟詩之道關於氣化之盛衰政治之  
污隆故誦明良賡載之歌則可以見唐虞雍熙之  
治觀鳧鷖既醉之詩則可以知周家大平之氣象

及乎黍離之詠王者之迹熄而雅頌之音不復作  
矣豈非詩之興替關於世道者然歟欽惟天朝  
混一區夏文軌旣同神聖繼作治隆熙洽人才  
之多於斯爲盛若侍講倪先生給事中司馬先生  
郎中陳先生陳內翰高太常及今先生接武而來  
其儀觀之偉文章之懿蔚然前後相望悉爲東人  
所重可見皇上一視同仁不僻陋我東邦之盛  
意而朝廷之上多士濟濟維天子使以共成大  
平之治者又因此而可知矣然則是集之作非徒  
愛其詩文蓋深感皇恩之罔極而使文明之化

之美與雅頌同垂於不朽也邪後之觀者庶幾知  
今日四海一家上下交泰之氣象而明良之歌鳧  
鷖之詩不獨專美於前矣天順三年夏四月旣望  
資憲大夫禮曹判書修文殿大提學臣洪允成謹  
序

皇朝集

卷之二十一  
詩  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

皇華集卷之四

義順館偶成

陳嘉猷

渡江還復憇江亭  
煙樹微茫接遠汀  
暖浪一川浮鴨綠  
晚山兩岸結螺青  
柳鶯春老聲猶滑  
松鶴巢深夢未醒  
東望藩京尚千里  
聞歌四牡幾回聽

宿新安驛遇雨偶成

溪雲夜起月朦朧  
誰握天瓢瀉碧空  
亂雜蛙聲驚夢寐  
細和嵐翠撲簾櫳  
春郊芳草添新綠  
曉陌香塵濕軟紅  
莫歎脩途阻行色  
最憐澤物有深功

渡博川清川舟中口占

曉霽鳴榔渡兩川潮平穩坐草亭船一堤花落飄紅  
雨數點鷗飛破碧煙人影亂移冰鑑裏笳聲遠徹海  
雲邊何當借得靈風便送我仙槎直上天

和陳內翰萬景樓詩韻

樓外煙嵐灑翠氛數聲啼鳥靜中聞映堦草色春來  
碧繞徑松苗雨後分黃鶴不來雲渺渺白鷗飛去水  
泔泔一樽未盡登臨興其奈前山易夕曛

其二

望中何處是皇畿山翠空濛點客衣百啭曉鶯花  
外緩萬家春樹雨中微風傳野曲樵人度梁墜泥薌

燕子歸自是君親常在念鄉心一片逐雲飛

安市城懷古

城樓百尺拂晴雲此地曾聞駐六軍翠輦不辭經險道白袍屢見立奇勲茫茫舊事隨流水寂寂春山送夕曛四海一家逢盛治願修忠藎答堯君

安州卽景

山城屈曲俯清川民舍參差起濕煙數里松行青蔽日四圍山色翠參天方音彷彿閩南語水稻依稀浙石田遐域風光同上國皇恩直被海東壩

和大同江舟中陳翰林高太常詩韻

皇華集

騶從如雲出曉城城東咫尺一江橫錦筵酒勸中朝  
使華扁詩畱內翰名遠水疑從銀漢落綵舟如在畫  
圖行風光儘可供吟興何用樽前舞袖輕

其二

九重頒璽勅千里諭藩臣曉渡舟移緩煙蕪鳥下  
頻鏡中山影動蓬外棹歌新聖德如天廣恩常及  
遠人

次韻

刑曹判書朴元亨

來往星槎故國城大江流水翠煙橫使非漢氏張  
騫節詩擅唐家李白名去去沙鳧壺裏去行行畫

舫鏡中行尊王趨走惟知禮莫以華夷較重輕

鳳闕頌

明詔文星動使臣春江移棹疾高宴舉

杯頻驛樹花開晚官橋柳色新送迎奔走者皆是

重 王人

登廣遠樓

陳嘉猷

驛程人倦復登樓立傍朱欄豁遠眸萬壑倚天如拱  
揖百川歸海自奔流暖風芳草青連浦夜雨春苗綠  
滿疇望外關心何最切五雲深處是神州

又和陳內翰韻

疊巘層巒紫翠堆一樓瀟灑面山開八窗飽挹千林

秀四座全無半點埃庭樹驚風鴉散去湘簾捲月燕  
歸來輕雲莫送催詩雨顧我渾非子建才

次韻

朴元亨

海天飛駟一登樓十里江湖豁兩眸山氣近人濃  
欲滴樹陰低檻翠如流春將淺紫歸花塢雨送嬌  
青漲麥疇芳草晴川畱傑句風流豪氣盖黃州  
四山蒼翠矗成堆百尺危樓面面開手摘星辰分  
左右身騎鸞鶴出塵埃雨餘嵐氣排簷入風動松  
聲捲地來半日登臨陪使節陽春欲和愧非才  
連日勞陪且承惠佳作無以爲謝因賦此以致

意云

陳嘉猷

天涯驛館乍逢君，聳壑昂霄自絕羣。  
書法精神王內史，詩詞標格鮑參軍。  
迎恩遠策春風騎，駐節同開月夜樽。  
自是聖朝聲教遠，喜從異域見斯文。

次韻

朴元亨

累葉詩書東浙君，飄飄逸氣驥超羣。  
從容道契推三益，汗漫詞鋒敵萬軍。  
欲報深恩無白璧，羞將薄禮置清樽。  
相邀行樂唯須飲，聖代如今一軌文。

登環翠樓和陳內翰韻

陳嘉猷

鳳山環繞護飛甍，獨步雲梯第一層。  
日上滄溟明埤

皇華集  
峴風來碧樹動觚稜撲簷嵐翠疑飄雨滿地梨花訝  
剪冰借問天東佳勝處不知我輩幾人登

和高太常韻

行行日當午下馬登山樓驅馳固云倦點檢還從頭  
俯仰幸無忤此外復何求山色入簾秀鳥聲隔花幽  
仍喜值斯景寧不爲君留王程不可稽一飲卽辭  
休

登太平館樓和陳內翰詩韻

雕欄綺檻翠微深天上遙持使節臨聖主貽恩  
頒璽勅藩君報國罄丹心雲煙護榻琴書潤松檜

驚風鳥雀吟庭院無譁春色靜一簾花影晝生陰

登漢江樓次韻

樓瞰薰風楊柳津斯文坐話見情真帆歸遠浦隨飛  
鳥羹出行厨煮活鱗舉目有山兼有水此心憂道不  
憂貧人生得暇須行樂觸處登臨肯厭頻

右陳翰林韻

與客登樓爲暫畱宦情鄉思兩悠悠山經宿雨雲煙  
合江帶春潮日夜流亂壑松濤驚睡鶴斜陽漁鼓散  
閒鷗尋常足底飛嵐霧疑在青霄最上頭

右高太常韻

遊漢江和陳緝熙詩韻

長江渺渺靜浮藍兩岸潮平一鏡湛天外峰巒連朔  
漠目前圖畫憶湘南顛風橫雨舟斜放促席飛觴客  
盡酣煙水蒼茫何處泊渡頭楊柳正毵毵

登楊花渡龍頭峰雨中讌集偶成五十六字錄  
似同遊諸公用紀一時之實耳詩云乎哉

峰巒低瞰漢江湄絕頂登臨醉酒卮油幕張空風雨  
暗儒紳滿座笑言怡山川似覩吳中景歌吹新聞海  
外詞他日西歸懷雅集五雲深處望東陞

次韻

議政府右贊成權攄

山亭置酒近江湄興逸頻傾白玉卮萬里歸來多  
客恨一時登眺得神怡高標已覺冰霜操新調還  
聞白雪詞北去他年如記憶也應閒夢到遐陲  
翠壁巉巉枕水湄畫船行樂倒深卮近人山色如  
相迓滿地風光自可怡星使喜陪江上宴陽春難  
和客中詞子長胸次增疎宕遠泛仙槎到海陲

朴元亨

嵐翠浸沉幕海湄畫船移處倒金卮高山流水長  
如昨美景良辰却自怡揮麈清談驚滿座凌雲豪  
氣騁新詞年年使節同游衍他日襟懷入遠陲

禮曹判書洪允成

畫艇徐牽傍水湄使華陪宴勸金卮江山動色如  
相媚賓主交歡得自怡垂柳空濛經薩水古碑零  
落讀箕詞北還他日多餘暇清夢應勞落海陲

禮曹叅判曹效門

危峰斗絕壓江湄風滿樓船酒滿卮萬水千山看  
浩浩一壺三椀興怡怡更瞻磊落孤雲表愧和琳  
琅大雅詞陪侍清遊非偶爾中原遙隔海邊陲

行僉知中樞院事金守溫

煌煌漢節映河湄杖策龍齋更舉卮萬里俶裝瞻

卓絕一團和氣對熙怡海連風雨催高興詩就珠  
璣動麗詞自是典刑儀陋俗多慚驢迹卧遐陞

都承旨尹子雲

星槎杳杳駐河湄勝日追隨共玉卮萬里來遊增  
眼界一樽相對轉神怡乘流安石饒清嘯攀鵲蘇  
仙有雅詞歸去越裝無箇物只應風景說東陞

左副承旨李克堪

矗石危峰俯碧湄似攀鰲背接瓊巵江深畫舸唯  
須泛山遠晴雲只可怡使節孤標冰檠操錦筵三  
疊柳枝詞得陪醕酌高人醉須信 皇恩暢遠陞

題狎鷗亭

陳嘉猷

一亭瀟灑水雲間  
亭外江鷗任往還  
盡日相親依碧渚  
有時飛近立朱欄  
盟深彼此機忘久  
公退晨昏趣自閒  
莫道猶膺軒冕貴  
年來名利已無關

登大平館樓歌

天順己卯歲春三月予奉命出使朝鮮既抵其國暇日登大平館樓見前輩諸公至此者俱有題詠予不敏才氣固弗及諸公百倍然忝尾其後來可無一言以廁羣玉之側乎因撫拾道途山水之勝藩國風化之美用成

短歌一章聊紀曾經之歲月云耳觀者幸無  
以鄙俚爲誚焉

面奉 綸音出京國駢駢四牡紅塵陌三韓遠在天  
一涯目入東南眇無極潞河堤畔柳回青漁陽古樹  
荒煙橫錦棚何在猪龍歿遺恨猶聞流水聲燕然峰  
高插晴昊不見飛仙雲渺渺平灤羣馬飲流澌榆林  
衆鳥啼春曉天塹重關虎豹雄關城直抵滄溟東雲  
濤洶湧蜃嘘氣樓臺五色空濛中出關望望煙蕪綠  
白日平坡走麋鹿一山咫尺異華夷千里金湯限南  
北巫閭矗矗凌紫氛祖龍鞭血痕猶存望城岡上看

春色柳暗花明知幾村遼河風浪兼天起首陽日落  
煙光紫紛紛騶從出襄平一徑崎嶇萬山裏長林數  
里濃陰連道中老樹如龍眠人馬有時俱辟易溪流  
無息不潺湲鳳鳥不歸山寂寂鴨綠江頭浪花碧百  
艘齊渡午風清使節煌煌臨異域臣僚雜遝遙相迎  
依然登騎東南行深更聽雨雲興館薄暮題詩安市  
城聞說西京卽平壤都護基荒煙莽蒼箕子祠中試  
一登弔古懷今發遐想寶山不似鳳山高金巖樹色  
連金郊舊京城中人蟄蟄臨津渡口水滔滔碧蹄停  
車值新霽曉入王京多喜氣  
藩王百拜展  
龍章

天語諄諄勉忠義誦餘稽顙情忻忻  
君恩尤比滄海深明當書奏陳丹  
悃萬歲千秋持此心車馬還來  
太平驛連日驅馳今始息登樓  
獨立豁雙眸萬屋民居儼如櫛  
華山千仞天外青漢江一帶城  
南橫日輪出處扶桑近風雨來  
時海氣腥東藩自是詩書藪禮  
義冠裳古來有八條教法至今  
存况是皇風漸被久我豈乘槎  
博望才繆承眷命從天來採風  
問俗獻明主肯載榴花苜蓿廻

天順己卯夏四月廿日予歸自朝鮮至平壤城  
而刑曹朴判書禮曹曹叅判暨元觀察金承旨

皆以其王命邀予遊浮碧亭酒酣歡甚予因  
援筆和楣間陳內翰高太常三律用寄一時之  
清興耳若夫詞之工拙不暇較也

江接遠浪入寒溟岫擁開雲護野亭滿徑香泥花落  
辨半簾晴影樹分青蘭橈艤渡催人發林鳥窺窻笑  
我醒弧矢由來男子事殊方山水亦親經

其二

江天極目一登樓山自青青水自流晚砌花枝渾欲  
語暖沙鳬鳥不諳愁數聲梵唄雲邊下千里星輶海  
外遊身在客鄉心戀闕薰風歸旆肯遲留

其三

矗矗江樓十二欄一樽賓主共開顏雲房僧定禪心  
淨石洞仙歸鶴背閒酒散人登青雀舫潮迴鷗聚碧  
莎灣佳山勝水遊將徧別後應勞夢往還

謁箕子廟

炮烙煙飛王氣衰佯狂心事有琴知言垂千載存洪  
範人到三韓謁舊祠地老天荒名不泯風清月白鶴  
歸遲東藩自是分封國民俗依然似昔時

渡清川望百祥樓高峙可愛

蘭橈曉渡望城東山頂樓居重復重畫棟直過飛鳥

皇華集  
上白雲常宿曲欄中俯臨巨浸煙波狹仰接層霄笑  
語通遠客欲登無鶴馭飄飄身世擬凌風

義順館中酌別偶成寫似判書朴相公博一粲  
耳

萬里天涯遠客過紅亭綠酒意如何扶餘地脉臨江  
盡遼左山光隔岸多節指京畿催曉騎恩覃海國漲  
晴波西行自是還朝路不用陽關向我歌

次韻

朴元亨

僻陋高軒辱枉過相逢其奈別離何口傳北極  
綸音密手拾東韓景物多鶴野歸旌凌溽暑龍灣

愁思帶寒波雲泥從此杳相隔翹首難禁一曲歌  
三春光景隙駒過異國江山客恨何詩酒未堪情  
興愜參商還有別愁多燕然小雨泥應滑鴨綠無  
風水自波夢入帝鄉歸意迫離亭空續渭城歌

皇華集卷之四

皇華集卷之五編目

天順四年庚辰頒勅諭使

禮科給事中張寧

遠接使刑曹判書朴元亨



序

士生天地間德業固大矣文章特餘事耳然自古  
論世道升降者未嘗不以文章之盛衰而卜之是  
何也蓋文者言之成章而德業之華也故和順之  
積而英華之發彌中彪外自不可掩也而人才之  
興則實關乎氣化夫豈偶然哉天順四年春禮科  
給事中張公奉使而來咨詢之暇遇景觸事輒形  
賦詠驪珠燦爛溢于錦囊幾成卷矣竣事廼旋我  
殿下嘉其文雅命詞臣編其所著詩文俾永厥傳  
實所以欽 帝命也遂 命臣叙之臣竊惟文運

隨世運消長而以文鳴世者代各有人自漢魏而  
下可數也然其文章雖足可觀而或不爲世用雖  
遇於世而文章又不足發之每患兩全之難也欽  
惟皇明御極大化流淳蔚啓文運光嶽完車書  
混登賢崇良布列朝著士之抱道德負材藝者莫  
不依乘感會翹英騁雋奮勵揄揚以黼黻文明之  
盛惟公材學之瞻器度之豪蚤捷科第蜚英燁赫  
遂荷知遇給事左右以佐聖天子議禮制度之  
政乃今遠銜使命惠來于我我國雖僻在海表然  
秉禮惟舊世蒙眷待每頒明詔必擇朝中之

賢且才者遣之儒雅之士前後相望今公之來也  
尤信其特膺 帝簡祇奉睿猷使星離霄析木騰  
輝播 綸音於萬里達輿情乎 九重上下交孚  
遠邇夾和海隅出日永世安瀾益沐我 皇明沛  
歲之鴻恩于無疆也苟非以英傑之才膺際遇之  
隆出入將相奔走賢勞廸一人事四方若卜筮是  
孚者疇克爾邪公之至是邦也念 王事有程每  
懷靡及然猶重道統而訪箕子崇化源而謁宣尼  
率禮罔僭式示周行東人之接見者仰若山斗非  
但慕雅致清介而已德業之懿因此可知獨其文

章可尚乎哉觀其爲文遇興輒摛如崑玉狼藉取  
之左右見鵲亦抵信乎其鳴世也豈非所謂關氣  
化而生遇於世而發之者乎他日卜我朝世道  
之升者未必不自公而得之則今茲珠唾之落海  
東者亦不可快焉泯其傳也而我殿下翼翼畏  
天之衷惓惓好喜之誠欽帝眷遂重其使善使  
華遂及其文之盛意因亦可見矣吁豈非躋與是  
年夏四月下澣正憲大夫知中樞院事藝文館大  
提學知春秋館事世子左賓客兼成均大司成臣

崔恒謹叙

皇華集卷之五

渡大同江

張寧

平壤孤城發曉裝，畫船簫鼓麗春陽。  
鳥邊雲盡青山出，渡口潮通碧海長。  
共喜皇仁同大地，不知身世是他鄉。  
清尊且莫頻相勸，四牡東風路渺茫。

次韻

曹判書朴元亨

遠傳丹詔促行裝，暫駐星槎沮水陽。  
江浦雪消春意動，郵亭日暖客懷長。  
一杯且可酬佳節，萬里無勞憶故鄉。  
野闊天低山似畫，不禁詩思入蒼茫。

登黃州廣遠樓

張寧

層樓高出翠微間景物迢遙慰客顏芳草夕陽天外  
路亂峰殘雪海中山煙凝野色村居小風送邊聲獵  
騎還却憶帝鄉春似海蓬萊宮闕五雲間

登鳳山樓畱題

鳳山樓館鬱嵒嶢千里經行漢使韶人語殊方應漸  
解詩懷多病欲全消望窮曉影雲連鴈聽斷寒聲海  
落潮不用咨詢重弔古四隣無事息征徭

二十八日午發劔水道中望龍泉偶成一律錄  
去博一笑耳

層巒高處露亭臺騎從如雲暮景催繞逕藤蘿芳樹

合浦山荆棘野花開林間春色鶯啼盡天際晴光鳥  
帶回何事碧霄凝望久長安不見獨徘徊

次韻

朴元亨

春風客路好樓臺且莫揮鞭駟騎催野水煙橫羅  
帶繞遙岑雲盡錦屏開天涯景物詩千首上苑鶯  
花夢幾回自幸今朝陪笑語郵亭隨處共徘徊

登金郊驛樓有感遂作一律

張寧

搖搖旌旆遠躋攀坐筭遊程兩月間芳草無情隨處  
綠好山如畫對人閒一年風物春將老千里星槎客  
未還昨夜分明夢歸國依然清禁立鵷班

渡臨津

三月一日渡臨津小酌舟中景與心會落筆  
成書不暇計其工拙也

三月韶華景最新棹謳聲裏渡臨津雪消野渚多青  
草雨過芳洲長綠蘋畫舫清遊天上客碧雲疎影水  
中人桃華浪煥魚龍起楊柳風和鳥雀頻歸思欲迷  
南浦樹江流不到故園春九重霄漢雙飛羽千里  
星河一縱鱗莫笑沿流同汎濫也應隨處謾咨詢茲  
行揔爲宣恩命非是乘槎漢使臣

次韻

朴元亨

馬首煙嵐入眼新  
青山如畫擁江津  
風經弱柳搖蒼靄  
鷺浴盤渦動白蘋  
璽勅十行頒北極  
星軺千里慰東人  
天涯傾盖渾如舊  
坐上傳杯莫厭頻  
佳句成來金擲地  
清談接處物逢春  
莫向故園生悵望  
且畱征旆廣咨詢  
西歸定有東行錄  
儻寄疎慵海外臣

三月三日寓大平館有感

張寧

曲水流觴盡醉歸  
風光雖是故鄉非  
桃花小雨迷行館  
細草春香上客衣  
誰捲疎簾望新月  
自吹長笛倚斜暉  
此情不爲傷離別  
王事驅馳惜重違

登大平館樓六十韻

天順四年春予奉 上命朝鮮登高望遠之  
際緬懷 帝都流覽王國天時人事景物山  
川幽顯雖殊心目俱至其間畱連悲嘯之情  
盖有出於弔古詢風之外者雖余亦旣知之  
然興發成章政自不能不爾也棄華用實文  
獻之地宜有同余心者焉姑書之以記歲月  
云

飛樓縹緲入蒼穹西望長安意已通天地有恩同覆  
載華夷無處不朝宗遼陽東下三千里華嶽西連百

二重金闕玉關嚴虎豹白旄黃鉞定羆熊漠南遠道  
烽煙絕薊北諸屯保障雄寰宇揔膺周典則輿圖盡  
屬漢提封九成韶樂儀羣鳳五色祥雲駕六龍上苑  
韶華寬似海貴游羅綺爛如虹編摩自古元無地繼  
立生民未有功萬國梯航馳玉帛千家門第動鐸鍾  
化行九服垣墉外人在三王禮樂中億載不移高  
帝業兩京齊出至神工荒言却笑莊蒙叟欲賦應須  
左太冲身使殊方思莫及心懸天府睇難窮由來東  
土文風好自昔中朝錫予隆藩屏皇家崇節度  
儀刑聖範恤疲癯內承畿甸民嘉靖外控邊荒地

微衝八道分符循俗美重門擊柝備時凶路窮水陸  
鄉音別春滿乾坤景色同雞犬人家延四野煙霞山  
郭亘千峰流年又逐陽和換微物均爲造化容原隰  
條桑初展綠池亭佳杏已迎紅空林土潤人參長遠  
島沙平竹蛤豐芳草欲迷歸客思蒼苔不鎖舊遊蹤  
溪畱殘白春前雪柳拆新黃夜半風竹外涼陰晴瑣  
碎梅邊香靄曉朦朧園明桃李蜂蒸蜜野曠苹蒿鹿  
養茸花落花開如剪綺人來人去類飛蓬興來倚檻  
吹長笛坐久巡簷策短筇高絕欲窺徐市國清虛渾  
憇武夷宮扶桑析木疑相近方丈瀛洲信易從擬跨

龍驤超汗漫還期鶴筭等崆峒圍香簾幕流蘇繞環  
翠闌干錦縠叢入座有情看燕舞過窻無語訝鶯慵  
光生殿閣畱宸翰喜溢街衢結綵絨何處村田聞  
社鼓幾家庭院扃雕櫳清泉門巷幽居雅白石巖扉  
舊刹崇似有忽無嵐氣入輕寒乍暖日華融層冰絕  
壑長宜夏高嶺孤松久耐冬游獵亦應多雉兔樵蘇  
元不禁兒童川原繚繞遐堪矚人物奇饒秀所鍾革  
履長衫供役婦卉衣陡笠沒官傭府中伐鼓趨羣吏  
苑外鳴笳練小戎鄉媪入城輸土布地爐燒火鑄山  
銅越裳重譯關津便魯國多賢士類充天際樓船來

海賈雨餘阡陌勸耕農海門潮落騰天馬沙磧塵清  
見斷鴻馬邑岡陵知遠近鳳山榛莽共溟濛臨屯古  
接真番界平壤遙連沮水東箕子荒祠碑萃律高麗  
殘戍石龍從古今不盡登臨恨形勝都歸磊隗胸問  
俗欲尋吳季子不才深愧宰周公卯金縱閱登天祿  
白玉藏書滿射洪論事自慚楊子乞通時翻慕仲車  
輦沉淪每笑溝中木宣暢誰彈爨下桐勝覽直須探  
蘊結高攀未許扣穹窿境當妙處巧相會情到盡時  
偏是濃涼露寫詩銀管濕夕陽催酒玉瓶空吟成轉  
覺孤懷爽醉後仍嫌兩鬢鬆莫怪憑軒重眺遠喜因

風物荷時雍

登漢江樓

天順四年春三月五日登漢江樓時申權二  
議政金朴二判書李府判尹李二承旨座  
皆朝鮮名士也酒酣落筆偶成十章草率鄙  
俚無足怪者共發一笑不妨以覆醬瓿云

東國有高樓樓前漢水流光搖青雀舫影落白鷗洲  
望遠天疑盡凌虛地欲浮八窗風日好下榻重淹留

其二

春水鴨頭綠曉山螺髻青斷雲依遠岫孤鴈沒長汀

異域傷靡盬明時笑獨醒何因忽來此詩思入蒼冥

其三

路遠輪蹄少春深景物多煙開山似畫風澹水如羅  
樂事酬佳節清尊發浩歌由來文物地隨處好經過

其四

杳渺飛流急迢遙石磴平山禽啼更歇江浦暗還晴  
興與雲俱往情隨草共生雙親未能見聊復念神京

其五

勝覽渾相似佳期不用招行疑鄉邑近坐覺客懷消  
谷鳥聲交應溪花影對搖春風如有意吹送木蘭橈

其六

洲渚望不盡峰巒知幾層病思金匱藥渴飲玉壺冰  
瑤海航堪渡丹丘羽可仍倚闌凝睇久鄉思忽無憑

其七

亦有白雲起只無黃鶴來地深同閬苑境勝憶蓬萊  
趣比元龍逸詩慚太白才共拚金谷罰莫笑玉山頹

其八

時序有代謝江山無古今衣冠幾游覽詩酒復登臨  
對景懷遺事觀風愜素心太平聲教遠隨處有知音

其九

四牡息駢駢超然坐翠微酒香淹舞袂春氣入羅衣  
石逕松花老疎簾燕子飛座中皆勝集向夕未言歸

其十

徙倚窮佳致盤桓極勝游賢王好賓客諸相摠風  
流已醉仍須飲將還更欲畱明朝太平館回首便悠  
悠

又成一律

春日登高霽景開漢江春水碧於苔煙雲萬里鷗波  
闊花柳千峰鳥道回天上星槎何處達城中冠蓋幾  
人來客過剩有題詩興不用蕭蕭暮雨催

次韻

左議政申叔舟

綺席高樓迥春江碧玉流  
早梅香澗曲芳草滿汀洲  
賓主歡情洽江山喜氣浮  
良辰須酩酊莫惜更遲留

邂逅新知面開尊眼共青孤舟依斷岸  
白鳥落寒汀好是江頭醉何須澤畔醒  
晚涼宜蕩槳歌吹徹蒼冥

使節清遊地青春樂事多澄江橫素練  
暮靄羃輕羅草色牽詩興風光入棹歌  
高軒那得望喜見此來過

集卷之二  
穩跨樓船好登臨  
鰲背平溪山供晚興  
梅柳屬新晴  
落日客將去  
春江潮欲生  
明朝還送別  
極目望燕京

海近鷗堪狎  
樓高鶴可招  
平郊芳草遠  
極浦澹煙消  
玉縷盤心落  
金波竿面搖  
凭欄初罷興  
時復泛輕橈

東韓文獻地  
衮衮使星來  
詩興憑文墨  
春風起草萊  
題名真可仰  
托和敢言才  
舉酒且相屬  
西岑落日頽

千載逢熙運  
恩榮絕古今  
我王誠事大  
使節

遠來臨化日明堯殿薰風入舜琴東漸文教洽四海盡懷音

西山簾捲莫列岫矗層層不覺膚生粟俄驚骨欲冰江山興未極詩酒樂相仍四海皆兄弟交游此可憑

春光方浩蕩嵐翠轉霏微雪浪搖歌扇汀蘭襲舞衣素鱗時潑潑輕燕已飛飛景物真如此從教緩緩歸

千里文星照三春上日游晴光迷極浦畫舫泛中流美景休相負斜陽且小畱城南聯可續詩興正

悠悠

右議政權 擘

南樓初縱目檻外俯長流雪盡落梅塢春深芳草  
洲湖光晴灩灩山氣晚浮浮使節陪登眺斜陽更  
挽留

城南一尊酒相對莫山青小艇橫前渡孤帆落遠  
汀江雲連復斷賓主醉還醒落筆龍蛇動高懷入  
窈冥

勝地初相遇風光惱已多江流凝碧玉花氣襲香  
羅且盡黃金酒誰賡白雪歌江山如有待今日喜

來過

高閣臨無地沙堤掌樣平  
煙光迷遠近山氣半陰晴  
擬招黃鶴去坐見白雲生  
誰識登臨意多時望帝京

此日足可惜濠梁幸見招  
春愁詩或遣豪氣酒難消  
綺席光凌亂金尊影動搖  
清歡殊未已落日且停橈

望望鰲背近畫棟倚雲層  
細膾飛銀縷寒漿嚼玉冰  
狂歌聊自適劇飲且相仍  
預恐歸期迫仙槎渺莫憑

鳳詔日邊降星槎海上來樓臺明渤海雲物護瀛  
萊仗節真能事題詩亦俊才陪遊苦未足奈此日  
西頽

名區傳自昔勝事到如今學士高軒過將軍畫戟  
臨陽春誰和曲流水且鳴琴別後如相憶毋金玉  
爾音

誰送藍輿過緣崖一徑微軟紅隔塵市空翠沾人  
衣泛泛中流去飄飄逸興飛春遊窮勝景暫賞莫  
催歸

萍水成佳會須教秉燭游春雲濃欲滴溪柳拭如

流有意相酬酢無心且去畱他時追往事此興正悠悠

朴元亨

樓迴臨危岸江清瀉玉流晴嵐埋遠壑春意滿芳洲地拆滄溟近天低日月浮湖山如有意邀此使華畱

水際煙光薄燒痕草色青眠鷗依暖渚宿霧捲寒汀準擬蘭亭飲寧知楚澤醒天教畱好客頭上雨冥冥

蘭舟傍江轉景物惱人多淑氣催花柳香風動綺

羅共傾三斗酒誰和八仙歌及此須行樂青春瞥  
眼過

遠岫橫如黛芳郊綠漸平歸鴉翻夕照啼鳥弄春  
晴暫得新知樂還教別恨生關山遙萬里何處望  
燕京

隔岸青山好可望不可招春江潮欲漲陰壑雪全  
消煙柳金絲裊風松翠蓋搖清遊殊未已隨意轉  
輕橈

彩翮看雙鳳丹霄下九層風標驚玉樹襟度訝清  
水賓主歡情洽江湖樂事仍登臨多少興恍惚已

難憑

漢水連銀漢星槎直下來忽然生羽翰何必訪蓬萊  
謝傅多高興相如有俊才淋漓揮醉墨不覺日西頽

表裏山河壯繁華古到今九天恩露洽萬里使  
星臨霽景供詩料澄江洗客心無人酬郢曲白雪  
有高音

山下駐驂駢林間石逕微濃花如慰客細雨欲霑  
衣更泛蘭舟穩相傳羽竿飛今朝四美具不醉不  
須歸

移尊下翠樓蕩槳作春遊絕壁緣山轉長江入海  
流風煙相媚嫵詩酒好淹畱此會應難再回頭思  
轉悠

都承旨尹子雲

風物供清賞樓臺枕碧流煙光迷浦溆草色滿汀  
洲山並吟肩聳春從酒面浮斜陽久未下天遣使  
華畱

江水溶溶碧春山面面青唐詩題粉壁漢節駐沙  
汀波靜舟堪棹樓高酒易醒陪遊難再得離思攪  
冥冥

百尺危樓迥春風勝事多江山隨顧眄天地入包  
羅送酒嬌嬈舞行舟欸乃歌沙禽飛近岸應喜客  
來過

天遠雙眸豁波恬一掌平車旗催曉發詩酒賞春  
晴星宿胸中列雲煙筆下生登臨題詠遍字字盡  
西京

高軒時暫駐勝地許相招詩律吟中改愁懷醉後  
消汀花經雨動岸柳受風搖忽起中流興春心付  
短橈

絕壁臨江盡長江繞檻來天開真境界人訝小蓬

萊雅賞逢聯壁清吟得大才斯樓名不朽千載未  
應頽

何處窮遐矚丹梯近百層陽坡先有草陰壑已無  
冰美景時相引風情晚尚仍欲成賓主好觴詠正  
堪憑

南江稱自昔勝集耀如今會合兼雙美躋攀試一  
臨水光搖屋角樓影落波心谷鳥如相訝時來送  
好音

風光觸處好春氣望中微山淨濃如畫江深綠染  
衣興隨蝴蝶亂心逐野雲飛人世難開口唯須倒

載歸

斃息塵中慮時從物外游聚散雲北去時序水東流  
遣盡千年恨邀成半日畱歸程應倏忽愁緒漸悠悠

又次一律

權擘

高樓洞豁八窓開春水澄澄綠染苔極浦煙沉孤鴈沒  
前村日落暮鴉迴江山屢入高人詠魚鳥猶欣帝使來  
半日清遊陪笑語預嫌歸騎著鞭催

朴元亨

江閣邀賓綺宴開馬蹄穿柳踏蒼苔黃樓勝景誰

能記赤壁清遊未擬迴高浪蹴天翻日去閒花隔  
岸送香來謫仙斗酒詩千首莫遣尊前晝漏催  
蒙示佳作緣職事煩冗未卽奉和今亦非敢  
爲詩用答雅意兼叙別懷云爾

左承旨李克堪

湖山多勝槩登眺占風流得句滕王閣尋芳謝眺  
洲春光行欲盡野色晚還浮觴詠遊娛地從教得  
意畱

澄江橫匹素絕壁斷空青芳草迷春渚輕鷗下晚  
汀坐莎詩易拾眠石酒能醒幽興從今熟高懷入

素冥

繞亭青嶂近極目白雲多紅入花堆錦青歸柳剪  
羅醉拚邀月飲聽唱踏春歌過隙風光瞥相期更  
一過

斗絕孤峰迥層雲脚底平登臨陪使節歌吹媚春  
晴水淨心無競風微浪自生憑闌非好事西北是  
燕京

鷗盟曾有舊鳬鴈慣相招野興供難盡詩情老不  
消草看隨處秀柳愛拂波搖落日莫須去春風好  
泛橈

山斗望何重龍門知幾層交心論淡水詩思帶寒  
冰綺席還相促春江興頗仍清遊樂未極人事兩  
難憑

獨立領佳勝奇觀入眼來忽疑是方丈何處問蓬  
萊地聳樓臺迥名雄賦頌才尋幽興未歇西嶺夕  
陽頽

勝景猶前昔俄然變古今翰林初作記給事又登  
臨獲觀黃門節誰知此日心詩成還應律傾耳聽

微音

內翰倪公作遊漢江記給事中  
陳公登樓賦詩故詩內及之

遲日晴方好和風暖更微山陰追禊事沂上御春

衣劇飲金卮滿清談玉屑飛  
檣頭輕燕舞有意惱人歸

郊外多佳趣邀賓辦勝游  
雲垂平野斷天入大江  
流莫厭傷多飲須教取次  
畱歸期無乃迫去住兩  
悠悠

題韓判書狎鷗亭詩卷

張寧

水雲深處草亭幽有客忘機對白鷗  
自許功名同散逸莫將心事學沉浮  
綸巾羽扇閒堪語細雨斜風晚更畱  
好是曲江樓隱地相呼相近幾回秋

題權氏承恩錄後

御製詩并應制詩共一帙前輩題讚詳矣夫復何言况奎章宸翰照映古今轆轤宇宙近之辭語亦婉順得體讀之可喜宜爲國之所什襲也然洪武至今世次已久不知朝鮮之詩果能皆如近否三百篇以下詩莫盛於唐楊伯謙所述分爲三始音猶豐腴盛唐則沉着而晚唐遺響則漸流麗矣非朝治之感召盡然也郡邑鄉里之所好或殊遂失初意者不能無耳故雖周盛之後鄭衛之音未能終變吳楚之詩不見有取爲是故也今天子

以聖繼聖朝鮮之使職貢相望耳濡目染與  
初意不惟不渝世久道成疑必有益之者矣  
聲音之道與政通非小損益也遵其始而美  
其終抑惟侯度有光焉載拜莊誦復忝以詩  
雲漢垂日星煌煌麗穹昊河圖與洛書千載承至道  
斤斤東國臣心聲契敷詔什襲矢弗諼邦土永爲好  
歷年亦已久風雅日臻妙焉知地相殊初意弗微眇  
古則貴敦柔中更多呌噪豈惟詞語間政治實樞要  
我行日逾邁觀風知蘊奧此時民俗淳文獻須繼紹  
歸當告 天子陳詩補聲教充然如有得稽首三舞

蹈

予初至朝鮮 國王遣府尹李均陪從於大平  
館禮義甚勤及予行之五日復遣均趨黃州遠  
餞酒半持是卷索詩詞亦良篤卽席書一律以  
復之

瀟灑幽亭景趣長百年喬木儼成行一簾疎雨琴書  
潤滿座清風枕簟涼門戶有光懷種德見孫無恙見  
流芳東坡舊記休重考早已掄才入棟梁

李觀察以檇軒手軸求予詩燈下書此以復誠  
達意而已耳

多君國之彥匪爲山澤臞心迹胡自異高軒乃名樗  
此木夙擁腫置身惟櫟俱弗爲青黃用弗爲棟梁輸  
眷茲溝壑志婆然無世虞伊人雖顯融所志良足譽  
成功慎自保寵利難久居富貴衆所忌名節須不渝  
謙者終受益嗇始末乃餘莫謂此寓語可以循聖謨  
三月十五日使還平壤觀察使曹君求賦松軒  
詩辭不可遂書此以復之

高軒瀟灑傍巖丘松樹陰陰翠欲浮老去難同樗櫟  
朽時來已屬棟梁求半窻殘雪三冬夜一枕清風六  
月秋不是閒居好奇勝太平王相雅風流

三月十五日使還平壤燕浮碧樓因卽命名之意效溫李體爲短辭一章以記興云耳

洪流綠淨春無底地核籠蔥嵌春水輪囷蜃氣凝不散十二雕櫳晃如洗空明倒浸蔚藍天煥香半落靡蕪渚綠雲淺淡翠煙沉人在琉璃鏡光裏青城僊客還從東袖携紫玉登蒼虹左招浮丘右關尹酒酣擊鼓馮夷宮馮夷醉卧呼弗醒蒲屋蛟珠靛衣冷明朝回望舊游人一片江山夢中景

和陳先生登萬景樓二首

押韻爲和非古也自明良賡歌以及唐人皆

無此制所謂和者倡成作者之意耳宋至蘇  
黃諸公始廣是法後世多步武之予平生最  
懶於此蓋不能如前人之巧妙故也茲登萬  
景樓見內翰陳先生之作因步其聲韻爲二  
律所謂未能免俗聊復爾耳觀者將惠我一  
笑也

江上危樓離俗氛春初經過未相聞風雲丘壑高低  
見草樹人家遠近分午竈茶煙蒼冉冉芳塘桃漲綠  
泫泫咨詢已遍歸期促一倚雕闌日又曛

其二

九霄西去是 皇畿萬景樓中暫解衣天遠江流何  
處盡春深詩興近來微歌聲隔浦眠鷗起松影迎風  
舞鶴歸時物未闌清賞倦不禁回首白雲飛

朴判書爲成川都護府使辛孝思求謹齋詩歌  
詠之詞不宜施于學者用功之地因作銘以遺  
之銘曰

行必有常言必無僞動靜不忘隱顯一致始自幾微  
爰及品類曰敬曰謹充之則是

孫壽山司譯院判事也陪從日乂臨別乞詩書  
以與之

從來久客惜人情況爾追隨本至誠  
鳴綠江頭分別後只應含淚入山城

朴枝司譯院判事也陪從日久臨別乞詩書此  
以見意

千里相隨一月情別時深見此心誠  
只今重譯來王日屈指行看入帝城

醫官鄭次良再拜乞詩臨別書與

東來無處問歧黃共說君家肘後方  
明日別懷何最是杏林春雨橘泉香

畫竹贈知印黃致和

春雨一兩葉東風三四枝冰霜舊相守不寫竹枝詞  
畫蘭竹贈察訪李扶

新竹初解籜幽蘭未着花風光雖淺薄生意亦無涯  
予來朝鮮國之諸臣無日不交相候問皆雅有  
禮度可道其間迎送陪從所與朝夕共處者惟  
刑曹判書朴君一人最久判書老成文雅中敏  
外嚴加以謙密不矯得藩佐體讀書能文章善  
辭令有古列國大夫之風自義州往復幾一月  
雖勞頓不息始終未嘗有惰容非恒不振者能  
之乎予初至判書遣二子安命安性謁拜館下

進退肅雍不敢當交接禮家教之隆因亦可見  
是皆人所難而判書具有之風塵空谷中跼然  
之喜何可多得也茲將違遠彼此之情不能不  
相爲動色因成近體一章旣以叙區區之懷且  
以塞判書之請斯文古意是又不能以名義相  
律也不識長者以予言爲何如

朝鮮賢臣朴判書老成文物非凡儒  
縵山玉笙鳳凰侶弱流鐵網珊瑚株  
鴨綠江頭一相見雅度清談便  
依戀曲池春水曉同吟驛路東風夜  
供燕太平孤館漢江樓行處追隨坐  
處畱怡然似我故鄉地恍若與

子平生游雍雍二子何瀟灑深夜燈前共趨迓詩禮  
真堪伯仲間衣冠肯托幪幘下爾來懷抱慙相忘又  
復陪携速去裝新情不減舊情好歸日翻嫌來日忙  
碧波芳草臨津渡劒水龍泉鳳山莫黃州樓上望西  
京揔是浮生別離路別離路促憶相逢西去還應幾  
日同平田遠樹只長在流水行雲無定蹤無定蹤渺  
何際蓬矢桑弧九州地海北天南風雨時也應共有  
相思意君不聞鄭大夫田廬章服人謠呼又不聞吳  
季子遺德名言傳國史當時豪黠幾何人蝸角蠅頭  
徒已耳君家父子皆名流康莊良驥洪河舟尊皇

贊國在千里莫爲臨歧生別愁

題楊道士山水幅

廿二日早遇上清道士楊勝遲以山水小幅  
求詩勝遲予卣交也前歲使江西嘗欲一  
造其地因盛暑而止至今怏怏茲相見塗中  
爲之暫止情見于言

小山庾橫大山起延蕩雲霄千萬里大江東下勢中  
分萬嶽南來青未已嵯峨一道高薄天龍蟠虎踞千  
年芙蓉城西白日莫廿六峰頭生紫煙巖回逕轉  
開幽閬露彩霞光照隈壁滿地桃花太古春一片煙

波五湖白竹窻幽戶佳期早門掩雙鳬天欲曉漁舟  
蕩入武陵溪行人忘却天台道去歲南游過上清颿  
車擬訪安期生風塵迷夢忽無處回首亂山孤月明  
辨柳宗元箕子廟碑語

天順四年春予以使事至朝鮮道經平壤謁  
箕子廟瞻拜仰止退書所見於大同館

唐柳宗元以正蒙難法授聖化及民三者釋箕子廟  
碑大人之能事畢矣獨其所謂紂惡未稔而自斃武  
庚念亂以圖存國無其人誰與興理之論竊不自揆  
未能無疑夫比干未死天下猶商先生以王室父師

乃不肯正救于未然而欲僥倖於不測斯亦難言也  
借使果有是心卒之亂亡相襲機事無成此尤中智  
所不爲而謂大賢君子爲之乎矧三仁告語之際腎  
腸心腹皎然相敷而先生之幾微曾不少見于此是  
其佯狂不諫之心固已審有定見矣及周之興武王  
訪之而卽言封之而亦就故都之民不忘殷武庚之  
心欲繼緒而亦未嘗一致意於其間惟條法教民事  
興禮讓裕焉處茲東土若固有之者且其初封之時  
朝鮮始克通衛及成王之世傳稱西踐東服迺至東  
魯聖人亦有君子何陋之語苟非先生安土導民之

力其化遽能如是哉卽其終之事可以知其始之心  
矣然則先生豈將果於忘殷而樂于從周耶是不然  
商之亡天也周之興天也洪範之道幾絕而復傳已  
塞而復通亦天也知其在天而且晦身以自辱不爲  
周臣者斯亦天也盖天者理而已聖賢之言語動靜  
皆所不違况其大者乎全盡此理而處之必當用之  
無私施之卽準此聖人所謂仁也雖然頑民反側武  
庚之監不遠况乎材足以濟事德足以動人道足以  
立世如先生者不惟不致意於其間而且終始遂其  
不臣之志歛大惠施于一方俾夷爲華彝倫禮樂之

澤至于今不衰世受封錫享國長久而先生亦永有  
廟祀者皆中國周之賜也於乎周亦仁矣哉

名說

義州州判鄭六乙有子甫八歲穎悟善應對過於常  
兒真韓文公所謂可念者也我與副使武公客邊一  
見皆傾喜之撫弄殊不忍捨去明一日其父爲之再  
拜求名且曰此子尚有弟一人今六替矣如見念幸  
併賜之因感其言之勤也命長曰汝昌命次曰汝裕  
將期其能昌鄭氏之門而克裕其後也然人能貴名  
名不能貴人爲父者須加教誨之而昌裕他日知好

學之年其以吾言而顧名思義哉毋棄毋忽

題伍介庵聽雪軒詩卷

正月廿二日至通州驛會故人伍公矩之兄  
出廼祖介庵聽雪軒詩卷求予題辭介庵元  
時隱士也因識數語如左

太極無聲形而後始有聲也故陰陽開闔而天地之  
聲出呼吸運動而人之聲出聖人通天地和民物而  
樂之聲出然則樂也者聲之至也是以律呂定而天  
下無餘聲古人謂大聲不入於里耳言君子能聽之  
也聲教在元既弛末樂繁興出于聖人者既不得聞

而出於人者又不足聞禮樂之士欲矯世弊而歸諸古因假聽於天地之聲而適其真焉此先生聽雪之深意也嗟乎當元之時顓蒙之世既遠豈惟淫聲之足以害正哉目變於紅紫而天下之色亡口變於醇腴而天下之味亡心變於利祿而天下之性亡世之變曷其有極而聲奚足哉君子曰聲之入人也深耳之觸物也易無意而遭者惟耳有焉故君子尤謹之也雖然聲成于兩物之相遇也故陰陽擊而爲雷霆無擊則無聲也事物感而爲言語不感則無聲也然則聲者形器之餘耳雖天地之聲亦不能無變也介

庵以飄蕭撲蔌爲可恒也哉必相與聽于無聲而後已

豫讓論

廿八日至山海關與夏官主事章用暉叙舊  
因談及豫讓事所見異同不一明日宿寧遠  
作豫讓論

嘗讀史至豫讓報仇事而嘆之曰惜哉讓所以爲智  
伯者似矣所以自爲者則未也夫所貴於君子者以  
其揮之不去招之不來人不得而易之也若恩則德  
之怨則讐之此庸人孺子之事豈大丈夫哉且范中

行之於讓其恩禮厚薄固不足論然嘗叨濫其職矣  
吐哺其粟矣稱臣于階下矣使有甚不合者何不早  
去之一朝事勢傾危乃曰以衆人待我我以衆人報  
之嗟乎若使爲人臣者皆懷此心皆藉此口則君父  
之難誰將赴之耶雖然讓之衷不難識也志于道德  
者功名不足以累其心志于功名者富貴不足以累  
其心若孔子不較季孟之待孟子不留萬鍾之饋此  
其心宜何如也彼讓不過志于富貴者耳譬諸簞食  
豆羹得之則生不得則死執此以扣人之門戶其有  
與之者則感悅歆美有不但已其不與之者則怨疾

忿恨莫不見其亡敗也智伯適逢其飢而與之者中行氏不知其飢而弗與者也感悅疾忿之不同豈非讓之處心乎曰讓之於中行氏固未也其報智伯何莫而非義乎曰夫義者自羞惡之心而充之也讓於讐不惡忘怨不羞豈有無羞惡之人而可以爲義乎且其自言曰吾欲愧天下後世人臣之懷二心者然則在智伯嘗爲人臣而在中行氏非人臣乎在智伯不可懷二心而中行氏獨可懷二心乎臣之於君猶婦之於夫婦忘其夫再醮於他人之門後雖有節不得爲貞婦臣忘其君而再仕爲他人之臣後雖盡死

其得爲義士哉昔人以讓之歿爲無所爲而爲其事則然矣而心則非也其先也爲其待我其後也爲欲懸名故作史者槩讓於刺客之流不可爲無所見故曰所以爲智伯者則似矣而自爲者則未也雖然齊桓晉文假行仁義猶能尊周室於擾攘之日况讓之一死慷慨激烈非充義至類之盡則其所爲亦足以表率臣子後世有歷事五朝不失三公之位若馮道者聞讓之風亦少有愧哉

李判書以手軸求余拙作車馬在塗忽忽不及楷範因憶正月中行邊所成一二缺鄙錄

去塞責耳

皇華集卷之五

卷五

人必謂公為無所事事



